

Bases do Premio de Investigación

en Altas Capacidades ASAC Galicia 2025

Bases do Premio de Investigación en Altas Capacidades ASAC Galicia 2025

1. Convócase o Premio de Investigación en Altas Capacidades ASAC Galicia 2025 co obxectivo de promover, fomentar, recoñecer e difundir publicamente obras de investigación de calidade no ámbito das altas capacidades, valorando así a relevancia de ditas investigacións e a divulgación na sociedade do obxecto de estudo.

Este Premio está dirixido a traballos de investigación inéditos, orixinais, de calidade e relevancia, de rigor científico e profundidade de análise mediante Traballos Fin de Grao, Traballos Fin de Máster e Teses doutorais.

Requisitos de participación

2. Para optar ao Premio de Investigación en Altas Capacidades ASAC Galicia 2025 as persoas aspirantes deben realizar o seu Traballo Fin de Grao, Traballo Fin de Máster ou Tese doutoral nas universidades galegas durante os curso 2020-21, 2021-22, 2022-23, 2023-24, sendo requisito indispensable que a temática do mesmo sexa as altas capacidades intelectuais.

Documentación

3. Para optar ao Premio de Investigación en Altas Capacidades ASAC Galicia 2025 as/os aspirantes deberán presentar a seguinte documentación:

- O formulario de solicitude de participación, Anexo I.
- A ficha co resumo do traballo de investigación, Anexo II.
- O traballo de investigación en formato PDF.
- Poderase anexar en formato electrónico calquera outro material que o autor considere oportuno.

Presentación da solicitude de participación e prazos

4. As persoas participantes nesta convocatoria deberán remitir a documentación asinada dixitalmente á seguinte dirección: info@altascapacidadesgalicia.org
5. O prazo de presentación ábrese coa publicación destas mesmas bases e finaliza o 30 de setembro de 2025.
6. A presentación da solicitude implicará a aceptación destas bases.

Premio

7. Existirá un único premio coa contía de 1.000 €, destinado á persoa autora do traballo de investigación gañador. A contía do premio será transferida nun único pagamento no período correspondente ao exercicio económico 2025.
8. O premio está suxeito á retención fiscal que corresponda.
9. O premio poderá ser declarado deserto.
10. Poderanse conceder un ou varios accésits, que non comportarán un premio de contía económica.

Corrección e notificacións

11. Se a solicitude de participación non reunise os requisitos precisos, requirirase ao interesado para que, nun prazo de 7 días naturais, emende a falta ou acompañe os documentos preceptivos, indicándose que se así non o fixese entenderase que desiste da súa participación nesta convocatoria.

Comisión de selección e criterios de valoración

12. Os traballos recibidos que se axusten ás bases desta convocatoria serán avaliados por unha Comisión de selección formada por un membro da Unidade de Atención Educativa en Altas Capacidades da Universidade de Santiago de Compostela, un membro do Equipo Técnico de ASAC Galicia, dous membros de recoñecido prestixio no ámbito das altas capacidades intelectuais e un membro da xunta directiva de ASAC Galicia, este último con voz e sen voto.
13. A Comisión de selección terá facultades para resolver as dúbidas que xurdan na interpretación das bases desta convocatoria.
14. Para valorar as candidaturas dita Comisión de Selección poderá requirir aos solicitantes a documentación que considere oportuna.
15. Os criterios para considerar a valoración dos traballos serán os seguintes:
 - Novidade, calidade e relevancia da investigación.
 - Relevancia social do problema obxecto de estudo.
 - Relevancia para futuras investigacións.
 - Rigor metodolóxico, científico e profundidade do análise.
 - Potencial de aplicación na práctica.

Entrega do Premio

16. Unha vez proposta a concesión do Premio pola Comisión de selección establecida para tal efecto, ASAC Galicia contactará co autor.

17. O Premio de Investigación en Altas Capacidades ASAC Galicia 2025, resolverase no ano 2025. A entrega do premio realizarase nun acto público que terá lugar antes de que finalice o ano 2025.

Publicación e difusión dos traballos premiados

18. ASAC Galicia comprométese a dar publicidade ao traballo premiado. A tal efecto, as persoas participantes autorizan a difusión do resumo contido no Anexo II.

19. ASAC Galicia resérvase o dereito de reprodución, publicación e difusión do resumo contido no Anexo II para consulta e/ou descarga en liña do seu contido en todo o mundo, a través de todos os medios e canles dispoñibles e en calquera das formas, medios e modalidades que a tecnoloxía permite.

Información sobre protección de datos de carácter persoal e publicación das bases

20. A sinatura e presentación da solicitude implica o consentimento para o tratamento dos datos persoais por parte de ASAC Galicia coa finalidade de levar a cabo a tramitación administrativa que se derive da xestión deste procedemento e publicación posterior dos premios outorgados. Poderanse exercer os dereitos de acceso, rectificación, limitación de tratamento, supresión (“dereito ao esquecemento”), portabilidade, oposición e revocación, nos termos que establece a normativa vixente e aplicable en materia de protección de datos, dirixindo a petición á dirección postal Rúa do Tambre 17, baixo, 15705, Santiago de Compostela (A Coruña) ou ben a través do correo electrónico info@altacapacidadesgalicia.org

21. As presentes bases publicaranse na páxina web de ASAC Galicia www.altacapacidadesgalicia.org e nas correspondentes redes sociais.

ASAC Galicia adquiriu un compromiso firme na defensa e a aplicación efectiva do principio de igualdade entre mulleres e homes e entende que debe velar para que na comunicación interna e externa da asociación se utilice unha linguaxe non sexista. Para iso, tenta recorrer a técnicas de redacción que permitan facer referencia ás persoas sen especificar o seu sexo. Con todo, nos documentos normativos en ocasións é necesaria a utilización de termos xenéricos, especialmente nos plurais, para garantir claridade, rigor e facilidade de lectura, sen que isto supoña ignorancia en canto á necesaria diferenciación de xénero, nin un menor compromiso da asociación coas políticas de igualdade e contra a discriminación por razón de sexo.

**SOLICITUDE DE PARTICIPACIÓN NO PREMIO DE INVESTIGACIÓN
EN ALTAS CAPACIDADES ASAC GALICIA 2025**

DATOS DA PERSOA ASPIRANTE

Nome e apelidos:

DNI:

Correo electrónico:

Teléfono:

DATOS DO TRABALLO

Título do traballo:

Relación de material incluído na documentación:

DOCUMENTACIÓN QUE SE PRESENTA

Solicitud (ANEXO I)

Solicitud (ANEXO II)

Traballo de investigación

SINATURA DA PERSOA SOLICITANTE

Lugar e data:

RESUMO DO TRABALLO DE INVESTIGACIÓN

PREMIO DE INVESTIGACIÓN EN ALTAS CAPACIDADES ASAC GALICIA 2025

Título do traballo:

Autor:

Resumo: [extensión máxima de 1.500 caracteres con espazos]



